


# GOBANENG BETHLEHEM

## O MONNYANE?

 Go ka bonala mohuta wa go segiša, mosong wo, go apara jase ya ka mo sefaleng, eupša ke be ke thabile kudu go—go pealatša jase yela ye botse yeo kereke ye e mphilego. Ke bone Ngwanešu Neville godimo fale letsatši le lengwe, a apere sutu yela ye botse, ka fao e mo lekanago gabotse kudu, gomme ke naganne, gabotse, ke—ke. . . e bonagetše gabotse kudu, gomme phuthego e bolela ka yona, ke naganne, “Ke tla no apara jase ya ka ntle mo sefaleng.” Ke nno. . .

<sup>2</sup> Le a tseba, ke a dumela ga re nke re gola. Ka mehla re. . . Gomme ga ke nyake go gola. Go bjang ka yeo, Ngwanešu Luther? Aowa, ga nke ke nyaka go gola. Re no nyaka ka mehla go dula re le bana.

<sup>3</sup> [Ngwanešu Neville o re, “Ngwanešu Branham, ke. . .”—Mor.] Ya. [“. . . le ge o apere ye nngwe ya diaparo tšela boka badiredi ba ba maemo a godimo. Ke no gerula, ka ntlha ya leihlo la ka, gomme ke naganne mohlomongwe o be o apere phurafura.” Ngwanešu Branham le phuthego ba a sega.] Tebogišo go jase yela ye botse.

<sup>4</sup> Gabotse, ke tla re ke—ke. . . ke be ke hloka e tee, gampe kudu, gomme ke ye kaonekaone nkilego ka ba le yona. Gomme ka kgonthe ke a e leboga. Gomme Ngwanešu Roy Roberson, ga ke tsebe ge eba o fa mosong wo, goba aowa. O bile le seabe go kgethweng ga yona. Gomme ka kgonthe e bile kgetho ye botse, gomme re—re kudu, thabile kudu go ba le yona.

<sup>5</sup> Gomme kafao re thabile kudu go bowa morago ka ntlong ya Modimo yo a phelago, mosong wo, le go ipshina ka dinako tše di makatšago tše tša—tša kopanelo go dikologa Lentšu la Gagwe le bohlokwa.

<sup>6</sup> Gomme go ka pela bjale gore, Morena a rata, ke swanetše go ya mošwamawatle. Ke a thanka le e bone ka go Lentšu la Borakgwebo, gore ke ya mošwamawatle, kgwedi ye e latelago. Gomme re tla be re kgopela dithapelo tšohle tša batho, gore ba tla re rapelela ge re sa ile. Go, bonala eke, gore mošwamawatle dikopano tša ka di bonala go ba bokaone, ka gobane e tša bokaone kua. Ka Amerika. . .

<sup>7</sup> Ke be ke botša Ngwanešu Mercier, go ke theeditše. . . O mphile seralokadirekote, pele, gomme se na le direkhote go sona, tša tše dingwe ka dithero tša ka. Ke tsebile nako yeo, ge eba e ka ba mang a kile a ke a ntheetša, go tla ba mogau wa Modimo go bona, ka gobane ke naganne nka kgona go ba bokaone gannyane.

<sup>8</sup> O gatiša seo, le sona. Ye—ye—ye nnyane... O ka tloša karolo yela. Le a bona? Goba, o išitše monwana wa gagwe wa mogogorupa fase, ke a nagana seo ke go se tima.

<sup>9</sup> Eupša ke—ke a le botša, ke be ke maketše kudu. Ke... Go rera ga go šokiša kudu nkilego ka go kwa bophelong bja ka, e bile ga ka mong, yeo ke nnete, mo—mo—mo rekhoteng. Ke... E ntirile ke tšhoge, ga se ke kgone ebile go ja matena a ka. Ke babjitše, ka tloga kgole le tafola, ga se ke robale bošego bjoo.

<sup>10</sup> Gomme ka ya tlase ka Kentucky, le Ngwanešu Wood maabane. Go boeng morago, ke rile, “Ngwanešu Wood, ga ke bone ka fao nkego ka ke ka dira motho go tla le go nthetša ke bolela. Go šokiša kudu—kudu, go ipoeletša nnamong bjalo. Gomme, oo, popopolelo ga e nepe, le maswaodikga, ga go na—go na le ge e ka ba.” Ke nno... Ga ke tsebe. Ke rile, “Go ile gwa ntutuetša ka tsela ye nngwe, go tseba go swanetše go ba Modimo, goba ga go motho a ka tlogo le gannyane.” Yeo ke nnete.

<sup>11</sup> Kafao ke be ke bolela le Ngwanešu Collins. Ke a kamaka o ka moagong. Gomme ke boletše go yena bjalo. O tlile godimo, ke be ke mmošša ka yona. Ke rile, “Ngwanešu Collins, ka therešo ke...” Ke rile, “Gabotse ke batametše bogolo bja mengwaga ye masometharo, bjalo ka moreri, gomme ka kgonthe ke swanetše go tseba se thero e lego.” Ke rile, “Yeo ke ya go šokiša kudu nkilego ka ba le yona.”

<sup>12</sup> Gomme yena ke—yena ke modiredi wa Methodist, gomme ngwanabo e tloga e le monna ka go kereke ya leina ya Methodist. Gomme o rile, “Gabotse,” o rile, “Ke tla go botša, Ngwanešu Branham,” o rile, “maswaodikga le—le mafoko a gago a ka no se felele gabotse, le dilo boka tšeo, eupša,” o rile, “a o kile wa ke wa nagana ka ga mothaka yola yoo a ririlego ka Letšatši la Pentecost, yoo ebilego a sa kgonago go saena leina—leina la gagwe mong? Leina la gagwe e be e le Petro.” O rile, “Ke a eleletša yela e be e se ya hlabošwa feela gabotse.”

<sup>13</sup> Gomme, eupša, le a bona, se se dirago motho go iša mahlo a gagwe go sela, theetšang dikgašo tše tša seyalemoya, gomme tšeo tšohle di ngwadilwe, le a bona. Gomme ba—ba ka e ngwala le go e hlaboša, le dilo, ka gobane ba a e bala.

<sup>14</sup> Ke eme le Charles Fuller, a rera ka morago ga lekgopo boka *leo*, bakeng sa sefala sa gagwe. Gomme se sengwe le se sengwe seo a se boletšego, o se badile thwi go theoga, nomoro ya pele, nomoro ya bobedi, nomoro ya boraro, nomoro ya bone, ka mokgwa woo, go fihla a e badile yohle, le go bea nakong. E be e hlokotšwe yohle, e hlokoletšwe seyalemoya, le se sengwe le se sengwe.

<sup>15</sup> Ka gobane, gomme le Billy Graham, ke bone ya gagwe, le go ya pele, moo ba nno go ema fale le go bolela yeo, ba no e bala feela ka lebelo ka fao ba ka kgonago go e bala, gomme e lokile yohle, kafao ke a thanka le tla hwetša maswaodikga.

16 Eupša bothata ka nna, ebile nka se kgone go e bala. Kafao, gomme ge nka e ngwala, ke na le kgonthe nka se kgone go e bala. Kafao—kafao ke mogau wo o makatšago, a ga se wona, go bona se A ka re direlago? [Phuthego e re, “Amene.”—Mor.] Eupša ke leboga go thoma bjale, go feleng ga ngwaga wo wa kgale wo, go thoma ngwaga wo moswa.

17 Ke theeditše mothalo wa thapelo, gomme ka kgonthe ke be ke se ka kgotsofala ka mothalo wa thapelo, le gona, go theetša yela. Ke lekga la mathomo nkile ka ke ka ikwa nnamong morago ka mokgwa wola, bakeng sa—bakeng sa molaetša, gomme ka kgonthe ke ile ka gakanega. Methalo ya thapelo ga e sepetšwe ka tshwanelo. Aowa. Ke nagana go tla fihla, gore, ka morago ga nakwana, go tla ba kafao gore mang le mang o tla swanela go tseba se sengwe le se sengwe ka bona, pele ba tla dumela. Gomme go thomeng, ngwaga wa mathomo, ke nyaka go fetola go sela. Gomme ke no thoma mothalo wa thapelo e ka ba kae Modimo a bolelago le nna, “Motho *yo* o tšwile mothalong,” goba se sengwe sa phošo. Ke tla ema le yena, ka dumelela ka moka ga bona go feta. Mo. . . Gobane, ga o hwetše go lekanela go feta ka tsela yela. Le a bona? Batho ba tseba moo ba lego, le se ba lego sona, le se ba se dirilego. Eupša ba hwetša se sengwe seo se sego sa ema godimo feela gabotse le Modimo, yeo ke nako go ema go ye tee, wa re, “Ye ke yona.” Le a bona? Kafao ke a nagana, mohlomongwe, go tla ba le diphetogo di dirwago, Ngwanešu Leo, ge e sa le ke ba kwa. Gomme ke tshepa gore Modimo o tla re thuša mo ngwageng wo o tlogo.

18 Bjale, ke a dumela gore bošegong bjo ba na le ditirelo fa mo tabarenekeleng. Gomme ke swanetše go ba godimo fa mo 62, le Ngwanešu Ruddell, bošegong bjo. Ke kwešiša gore ba ya go ba le tirelo ya go šetša fa. Gomme Ngwanešu Ruddell o nkgopetše sebakeng sa tirelo yeo ya go šetša, eupša go nagana mohlomongwe ke tla bowa morago mo tabarenekeleng bakeng sa bošego bjoo, ka gobane ka mehla ke lekile go ba mo tabarenekeleng mo—mo bošegongpele ga Ngwaga wo Moswa. Gomme ke nyakile go bowa morago tlase fa le baena fa. Kafao ke bile mokgwa wa go hlephiša gannyane, gomme ke tla ba le Ngwanešu Ruddell bošegong bjo, ntle go 62, kua Club 62 ya kgale yeo e fetoletšwego go beng ke—ke kereke. Gomme gona Laboraro bošego ke tla bowa fa go tirelo ya go šetša. Gomme morago, Labone, re ya Chicago, gomme morago pele le pele, go Philadelphia, gomme morago mošwamawatle.

19 Gomme mosong wo, ga re nyake go le swarelela botelele kudu, ka gobane, ke, re na le dipotšišonyakišišo, le ditirelo di kgatlampana.

20 Gomme, a ke re, ge e sa le tirelo ya thapelo ya mafelelo fa, oo, ke leboga kudu sebakeng sa dipoelo tšeo di tlilego pele go tšwa tirelo ya mafelelo ya thapelo. Go bile ka kgonthe selo sa go makatša seo Morena wa rena a ka go se dira ge batho ba

Gagwe ba etla mmogo. “Bona bao ba . . . ba tla bitšago go Leina la Morena, ba kgobokana bonabeng mmogo,” ke a dumela ke tsela ye e lego, “gomme—gomme ba rapela, gona Modimo o tla kwa go tšwa Legodimong.”

<sup>21</sup> Kafao a re inamišeng dihlogo tša rena, feela nakwana bjale, ge re lebelela go a rena, feela nakwana bjale, ge re lebelela go Yena go re fa tšhušumetšo ye e hlokwago seabakang sa Molaetša wo.

<sup>22</sup> Morena, Wena o bile setšhabelo sa rena le maatla a rena ka go meloko yohle. Borakgolokhukhu ba rena, pele ga rena, ba tshepetše go Wena, gomme ga se nke ba nyamišwa. Ba dumetše go Leina la Gago le Lekgethwa, gomme ba ile ba tlišwa bjalo ka dietša tše di phadimago. Gomme re lebeletše go bona, bjalo ka ge moreti a boletše, dikgato godimo ga lešabašaba la nako. “Go flogelana ga rena go šia morago dikgato godimo ga lešabašaba la nako.” Gona re bona gore bale ba tshepetšego go Wena, ka mehla, ka ntle le go šitwa le gatee, ba tšwelela gabotse. Le ge ba ile go kgabola meetse a mantši a go teba le—le diteko tše kgolo le ditlhomaro, eupša go le bjalo, mo bofelong, Wena ka mehla o ba ntšheditše ntle “kudu go feta bafenyi,” ka gobane ke Lentšu la Gago le le tshepišitšwego gore O tla dira se.

<sup>23</sup> Gomme re tla rapela, lehono, gore O tla šegofatša kereke ye nnyane ye. Šegofatša modiša wa yona, ngwanešu wa rena wa go loka, Ngwanešu Neville, le lapa la gagwe. Re kgopela gore O tla no ba le yena mo ngwageng wo o tlogo wo, le go mo tlotša gagolonyana, le—le go mo šegofatša ka tsela ye nngwe le ye nngwe. Tiiša go phelega ga lapa, ba bannyane bao ba golago. Boloka Ngwanešu Neville a tiile le go phelega.

<sup>24</sup> Gomme šegofatša kereke ye le moleloko yo mongwe le yo mongwe yoo a lego ka go yona. Poto ya bahlokomelaphahlo, ka fao re ba ratago bjalo ka banna ba kgonthe ba bagale ba Modimo; le poto ya matikone, le bona gape ke bahlanka ba Gago ba bagale. Le batho bohle bao ba tlogo fa, re a ba lebogela, Morena. Go no dira pelo ya ka gabotse go tseba gore mogobe wo monnyane wa kgale wo le mokgobo wa ngwang o emego mo sekhutlong, mengwaga ye mentši ya go feta, e dirilwe ntloseetša go Mmušo wa Modimo. Gomme ke a rapela, Modimo, gore e tla ema go fihla Jesu a etla. Disoulo tše dintšintši tšeo di bilego ka fa, Morena, di tle pele ka Letšatši leo, di hlatswitšwe ka go Madi a Kwana. E fe.

<sup>25</sup> Gomme ge re bula Lentšu la Gago la go šegofala le, mosong wo, Morena, ka go phetla morago maphephe go bala go tšwa go Yona setšweletšwa, gomme re tseba gore Wena o nnoši o ka re fa bokamorago. Gomme re a rapela, Modimo, gore O tla tlotša Lentšu la Gago. A nke Le ye thwi go dipelo tša batho bao le tla ba dirago gabotse. Dira badumedi go tšwa go basedumele. Gomme tiiša Bakriste. Gomme fodiša balwetši. Gomme efa tlhohleletšo

go bao ba nolegilego moko. Gomme hwetša letago go Wenamong. Gore o dire se, Morena, bolotša dipounama tšeo di tla go bolela le ditsebe tšeo di tla kwago. Ka gore re e kgopela ka Leina la Jesu. Amene.

<sup>26</sup> Go tsebiša sehlogo se sennyane seo ke tlogo... wetše mo pelong ya ka, ge e sa le Lamorena la go feta. Ke be ke bolela godimo ga banna ba bohlae ba etla go—go bona Jesu, Naledi yeo ba e latetšego go tšwa Bohlabela go ya Bodikela. Ge ke sa bala yeo, ka wela Lengwalo. Gomme nako yeo ka se kgone go fihla fa bošegopele ga Krisemose, ka lebaka la tirelo ye itšego ya kgolego, le go ya pele, ke ilego ka swanela go ba go yona. Ke naganane nka bolela lehono ka hlogo ya: *Gobaneng Bethlehem O Monnyane?*

<sup>27</sup> Ke nyaka go bala go tšwa go Puku ya Mika, moprofeta, yo mongwe wa baprofeta ba bannyane, tema ya 5 gomme temana ya 2. E balega ka mkgwa wo.

*Eupša wena, Bethlehem wa Efurata, le ge o le yo monnyane gare ga dikete tša Juda, eupša go tšwa... efela go tšwa go wena go tla... tšwelela pele go nna yoo yena mmuši... go ba yena mmuši go Israele; yo go yeng pele go bilego go tloga... kgale, go tloga go sa felego.*

<sup>28</sup> Ke bile le lefelo go Lengwalo fale, ke lebaka ke sa kgonago go tseba se lentšu le bilego, nakong yeo.

<sup>29</sup> Go mafelo ohle ao a lego ka Palestina. Gomme go na le ditoropokgolo tše ntši tše kgolo, le mafelo a lona, ditoropokgolo tšeo di bonalago go tsebalega bontši kudu go ditaba tša histori, le go šireletšega bokaone, ditoropokgolo tše kgolwane. Gobaneng Modimo a ka kgetha Bethlehem o monnyane go ba lefelobotswalelo la Morwa wa Gagwe? Go na le tše dintši tšeo di lego tše kgolwane. Gomme, mohlala, Jerusalema ya histori ye ntši, Jerusalema ya go ikgantšha, motsemošate wa tšohle tša yona. Gomme ke ye nngwe ya ditoropokgolo tše kgolokgolo tša Palestina. Gomme morago re makala gobaneng Modimo a ka hlaola toropo yela ye nnyane nthatana ya Bethlehem, sebakeng sa lefelobotswalelo la Morwa wa Gagwe.

<sup>30</sup> Eupša bjalo ka ge Lengwalo le boletše, “Se Modimo a rerilego go se dira, se tla dirwa.” Gomme go na le, Modimo o e beetšepele go ba ka tsela yeo, goba e be e ka se tsoge ya ba ka tsela yeo. Gomme go na le Lengwalo le re, ka go tema ya 15 ya Ditiro, gore, “Ga go na selo ka phošo.” Modimo o tsebile se sengwe le se sengwe. Go no ba go sa direga go direga ka tsela yeo. E ile ya no ba, gore, Modimo o e dirile ka tsela yeo.

<sup>31</sup> Gomme gona ge re, ka go menagano ya rena ya go ba le magomo, re thoma go e nagantšhiša, “Gobaneng Kgoši ye kgolo ya Legodimo a ka kgetha lefelo le lennyane boka lela, sebakeng sa motsemošate? Sebakeng sa ye nngwe...”

<sup>32</sup> Ebile, go be go na le mafelo a mantši a magolo ao a bilego le bokamorago bja semoya bjo bogolwane go feta se Bethlehem e bilego. Mohlala, a mangwe a mafelo boka Silo. Silo e bile lefelo la bogologolo la borapelelo la Israele, moo bohle ba tlilego, ngwaga ka ngwaga, go . . . lefelo le legolo le moo areka ya Morena e khutšitšego. Gomme re makala gobaneng, gona, gore O be a ka se tswalelwe Silo?

<sup>33</sup> Gona go be go na le Giligala, lefelo le lengwe le legolo la semoya la borapelelo. Gobaneng Modimo a sa Mo dumelela go tswalwa gona kua Giligala?

<sup>34</sup> Gomme go be go na le le lengwe, Sione. Sione e be e le ntlhoraneng ya thaba. Gomme re makala gobaneng gore Jesu a ka se tswalelwe gona ka Sione, ka gobane e bile leswao le legolo la semoya la moo Morena a šegofaditšego batho ba Gagwe mo mengwageng.

<sup>35</sup> Gomme go lebega eke mohlomongwe A ka be a kgethile Sione, goba Giligala, goba—goba Silo, goba le lengwe la mafelo a mangwe a magolo moo go ilego gwa ba ditšhegofatšo tše kgolo le dithuto tše kgolo.

<sup>36</sup> Gomme go bile le tše dingwe tše kgolo ditoropokgolo, bjalo ka Heburone. Leo ke lefelo bakeng sa motho yo a nyakago toropokgolo ya botšhabelo, lefelo la polokego. Go bile le Ramothe giliade, gape, lefelo le lengwe la botšhabelo moo batho ba ka tlogo, le le bego la tla ba maleba kudu go Yena go tswalelwa.

<sup>37</sup> Gomme mohlomongwe, ge nka be ke be ke nagana ka yona, nkabe ke Mo tlišitše Kadese barnea, ka gore go be go le setulo sa kahlolo, le lefelo la botšhabelo. Mohlomongwe nkabe ke Mo tlišitše godimo go naga yela bakeng sa lefelobotswalelo la Gagwe, goba mohlomongwe re ka be re kgethile tše dingwe tša ditoropokgolo tše dingwe.

<sup>38</sup> Eupša, le a tseba, ke thakgetše kudu gore ebile feela le dilo tše dinnyane di sego bohlokwa ka Beibeleng di ra kudu bjalo. Ke a dumela go bile Jesu yoo a boletšego se, gore, “Le a feta, gomme la dira dilo tše boima tša molao,” a ke re, “eupša le feta dilo tše dinnyane.” Gomme dinako tše dingwe ke dilo tše dinnyane tšeo di swerego dilo tše dikgolo mmogo. Eupša, gohle gohle, khoke ye kgolo e retologa feela tlwa ka tsela ye Modimo a di beetšego go bitša, retologa fa. Go ka se be le e tee e fošago lefelo la yona. Modimo o beetšepele dilo tšohle, gomme e swanetše go betha feela tlwa go lefelo lela.

<sup>39</sup> Gomme ge re hwetša tumelo boka yeo, le go thoma go nagana ka ga, “Ke mang a lego ka morago ga se sohle? Seporeng sa kgwekgwe ke sefe seo se retollago ekonomi ye kgolo ye ya Modimo?” Re hwetša ke Moya wo Mokgethwa. Ga se e tlogelwe ka diatleng tša batho go dira dilo; eupša ka diatleng tša Moya wo Mokgethwa. Gomme Yena ke seporeng sa kgwekgwe, seo, ge

A ka hwetša ditlabakelo ka moka, se tla šoma feela ka thelelo le go boloka nako ya Modimo tlwa.

40 Gomme gona re bona seo, gomme re makala ka menaganong ya rena, nako yeo, ge re lebelela go dilo tše kgolo le ka fao re ka bago le tšona. Gomme gona go re fa go fa kgothatšo ye ntši, lehonon, go nagana gore, mohlomongwe, ge re le sehlopha se sennyane sa batho, mohlomongwe ge re se bohlokwa, go lefase le go dikereke tše kgolwane tša dikereke tša maina. Efela, Modimo o šomiša tšela tše nnyane, dilo tše bonolo, dinako tše dingwe.

41 Ka gore go ngwadilwe ka Mangwalong, “Se boife, mohlape wo monnyane, ke thato ya Tate go go fa Mmušo.” A kgothatšo! Ke a tseba, gore, feela ka kgonthe bjalo ka ge Jesu a ile a swanelwa ke go tswalwa ka Bethlehem o monnyane, mohlape wo monnyane o tla ba bjalo wona woo Tate a tla o fago Mmušo, ka gobane go ngwadilwe. Gomme Mangwalo ohle a filwe ka tšhušumetšo, gomme Mangwalo a ka se robje. A swanetšwe go phethagatšwa. Kafao go re fa kholofelo yeo, go tseba gore—gore go tla ba mohlape wo monnyane woo o tla amogelago Mmušo, mohlape wo monnyane wa badumedi ba go botega. Ke holofela go ba yo mongwa wa bale, mohlape, goba ka go mohlape wola wo monnyane, nka rialo.

42 Gomme gona re tseba kanegelo, bontši bja rena re tlwaelane le kanegelo ya ka fao Israele e tlilego ka go Palestina ka tshepišo ya Modimo. Gomme re tseba gore Joshua yo mogolo e bile yena yo aroletšego setšhaba se sengwe le se sengwe kabelo ya bona.

43 Gomme ke, ka kgonthe, ge nkabe re bile le nako ya e ka ba go tloga bjale go fihla ka iri ya boselela bošegong bjo, go dula thwi godimo ga hlogo ye, go bea dilo tše mothalong, go hwetša tlhaloso ya kgonthe go tšwa go tšona; yeo, ga re na le yona, feela e ka ba masometharo, metsotso ye masomenne. Kafao re swanetše go go betha mabalankwe, re tshepa gore Moya wo Mokgethwa, go lena babadi ba Beibele, o tla bea bontši bja yona ka go pelo ya lena, ge re eya pele.

44 A le be le tseba gore dikabelo tšela, kafao Joshua a ba filego ka Palestina, di filwe ka tšhušumetšo? Gomme bomme bale ba Bahebere ba bapatriaka bale, ge lesea le be le tšwelela, gomme yena ka go mahloko a lešoko, go belega ngwana, o boletše lona lefelo leo bapatriaka bale ba tla dulago le go ba mo matšatšing a mafelelo.

45 Bolela ka tšhušumetšo, Beibele ye e šušumeditšwe. Ga go kgathale gannyane bjang, feela Lengwalo le lengwe le le lengwe le lennyane le na le selo sa go ikgetha ka go Lengwalo, ka go se—se seswantšho se segolo. Tšohle tša yona, Lentšu le lengwe-le lengwe le lengwe le šušumeditšwe, gomme go leo go lekeletše bofihlo bja disoulo, ka gobane ke Lentšu la Modimo wa go se Hwe le wa Gosafelego.

46 Gomme ebile bona bomme bale, ge lesea le belegwe gomme o hlabošitše lentšu la gagwe, o ba beile madulong moo ba tla bago ka go naga ya tshepišo, mengwaga ye makgolokgolo moragorago. Gomme Joshua, a sa tsebe seo, efela ka tšhušumetšo ya go swana o ba beile tlwa moo ba bego ba swanetše go ba.

47 Gomme Joshua, go aroleng, o arotše kabelo ya Juda. Ge le ka hlokomela mo mmepeng, e ka boemo feela bodikela bja Lewatle la Plain, dimaele di se kae borwa bja Jerusalema, motsemošate. Gomme ge Juda a be a hwetša karolo ya gagwe, goba karolo ya gagwe, a ke re, ka nageng, profense ya gagwe, re tla e bitša, go a tla, eupša toropokgolo ye nnyane ye ebile ga se e boletwe, Bethlehem. Efela e be e le gona, ka gobane Abraham . . . ke a dumela e bile Rebeka a bolokilwego go lefelo lela. Eupša go swanetše go ba go bile feela motsana wo monnyane wa mohuta o rilego, ka gobane, ge o bala Joshua 5, o tla hwetša gore go be go na le ditoropokgolo tše kgolo tše lekgolo le masometlhano ka tlase ga bolaodi bja Juda, ka ntle ga metsana le ditorotswana; ditoropokgolo tše lekgolo le masometlhano, di boletšwe. Gomme, mohlomongwe, ge e be e aroganywa, gore Bethlehem e be e le ye nnyane kudu, mohlomongwe feela ntl—ntl ntlo ye nnyane goba tše pedi, ebile e be e se ya boletwa ka go lefa. Gomme gona re hwetša gore ka nnete ga se nke ya ke ya tla go tsebja . . .

48 Yo a e thomilego e bile morwa wa Kalebe, morwa wa Kalebe, yoo leina la gagwe e lego Salamone, gomme o e thomile. Beibele e re o bile tatago yona, se se rago gore o be a le yena mothomi wa Bethlehem. Ka mantšu a mangwe, o swanetše go be a a ile ka fale le go thoma mohuta o rilego wa kgwebo, le tša kgwebo, le kgwebišano, le go ya pele, yeo e e godišitšego. Gomme moragorago re tla hwetša gore lebaka la kgonthe la yona, gore dinaga ka moka di be di na le mona ka ga ntsekana yela ye nnyane ya naga; ye e dutšego go leboa, le bohlabela, le meedi ye mennyane go ya borwa, ka go moetšana wola. Gomme e be e le la go nona kudu go tšohle ka Palestina. E be e le lepanta la ma—ma mabele le lepanta la korong. Gomme go be o na le dirapa tša mohlwane, le go ya pele, go yona, ka go karolo yela ya Bethlehem, goba Palestina, bofelo bja profense ya Juda.

49 Gomme re hwetša gore e be gape e bile legae la mmalegogwana Rahaba. Ge Israele e tshetše mollwane wa Noka ya Jorodane, ka go Palestina, re tlwaelane le kanegelo ya Rahaba mmalegogwana. A nkeng re mo eleletšeng mosong wo sebaka sa metsotso e se mekae bjale, bjalo ka mo—mo mohumagatšana yo moswa, kgarebe ye botse yoo madimabe a bophelo a gapeleditšwego, go beng mohetene, o ile a gapeletšwa ka go bophelo bjoo a bego a bo phela. Gomme makga a mantši batho ba gapeletšwa ka go bophelo bjoo ba bo phelago.

50 Ke be ke le ka dikgolegong bošegong bjo bongwe, go bona monna yo a bego a goga sekwebo. Gomme ke—ke mo tšere ka seatla, le go bolela le yena. Gomme ke rile, “Gobaneng o dira



selo se bjalo ka sela?” Gomme a ntshwere ka seatla, a thoma go bolela. Gomme o be a gapeleditšwe ka go se a bego a se dira. Ke rile, “Ka gobane o dumeletše sela go go gapeletša go sela. Ga se o swanele go dira seo. Wena, ga go motho a swanetšego go nwa.” Ke rile, “Ke a tšhoga, nnamong. Eupša ga go na tlhoko ya seo.”

<sup>51</sup> Gomme kgarebe ye, ka morago ga ge a bile le go kweng la mathomo ga gagwe ga Israele, le ga Modimo yo a bego a le mo—mo Modimo yoo a arabago thapelo; e sego feela Modimo go rapelwa, eupša Modimo yoo a arabago morago; ge a kwele gore go na le Modimo wa mehlolo, Yoo a kgonago go dira mehlolo, Yoo a omišitšego mawatle, gomme a neša marotho go tšwa magodimong, pelo ya gagwe ya thoma go roromela. Gomme ge a hweditše molaetša wa mathomo go tšwa go bareri ba babedi bao ba ile godimo, ka pela o o amogetše ka pelo ya gagwe yohle. Gomme go be go na le thapo ye khubedu e tlenngwe mo lefastereng la gagwe, bakeng sa tšhireletšo ya ntlo ya gagwe, ka gobane o be a amogetše molaetša.

<sup>52</sup> Gomme nka no oketša fa. A le be le tseba o kaile Kereke ya Bantle? O be a le Montle. Gomme o be a le sekai sa Kereke ya Bantle, ge ba kwele Molaetša. Bohle re be re le ntle, ka go bootswa bja semoya, re dira mabootswa a semoya kgahlanong le Modimo wa Legodimo, ka go mehuta yohle ya dilo, mehuta yohle ya dikereke tša maina le mabodumedi. Eupša ge re kwele gore go na le Modimo yoo a sa phelago, yoo a kgonago go dira mehlolo, ka pela re amogetše Molaetša.

<sup>53</sup> Fale go tloiditšwe Madi a Morena Jesu, ao a dirilego lešela le lehubedu. Gomme go tlogela go ya kgole ka go tšona, le tseba ka fao a le lekeleditšego go tšwa lefastereng la gagwe, phatlalatša. Madi a be a pealaditšwe phatlalatša. Yeo ke tsela Madi a swanetšego go pealatšwa, phatlalatša, go lekelela go tšwa bokantle bja lebotō; go laetša gore, ka gare, se sengwe se diregile. Yeo ke tsela modumedi wa therešo ka go Kriste e lego mosong wo. Ka bokantle ke pealatšo ya Madi a Morena Jesu, seo se bontšha se sengwe se diregile ka gare.

<sup>54</sup> Gomme ka se, Modimo o lebeletše tlase ge bogale bo ewa gomme ditrompeta tša thoma go lla, Modimo o bone thapo yela ye khubedu e lekeletše fale bjalo ka segopotšo. Ka mehla go Mo kgahlile go feta godimo ga Madi. “Ge Ke bona Madi, Ke tla le feta godimo.” O E bone. Gomme ge go šikinyega, le Moya wo Mokgethwa o tšubutla lefase le go kgerešetša ona maboto fase, bokoto bjo rilego bja dikgato tše masomepedi, ga go leswika le letee leo le welego moo thapo yela e be e lekeletše. Go bontšha tšhireletšo ya Modimo wa therešo go modumedi wa therešo, ga go kgathale ke boemo bofe o lego ge A go hwetša, ge o ka no amogela thapo yela ye khubedu. E logagana go kgabola Beibele.

<sup>55</sup> Gomme morago re mmona ge a be a tšeelwa gare bjalo ka yo mongwe wa Baisraele. O ratane le monna yo a bego a le molaodi

le mokgoma ka Juda. O be a le molaodi wa madira a Israele. Leina la gagwe e be e le Salamone, feela boka kgoši, Salomo. Gomme o be a le molaodi, gomme o bile ka go leratano le legolo le molaodi yo, yo a bego a le mokgoma wa Juda. Gomme mafelelong o mo nyetše. Gomme ge thoto e beilwe bakeng sa Baisraele, yena le monna wa gagwe wa go ratega ba phetše ka Bethlehem.

<sup>56</sup> Bjale le thoma go bona e bulega, a ga le? [Phuthego e re, "Amene."—Mor.] Le a bona? E thoma go bulega, bjalo ka ge re bona gore ka Bethlehem o phetše, a le monyalwa wa Montle, go Mojuda. Gobaneng? Ka gobane o dumetše ka go Modimo modiramehlolo. Gomme ge, bonang se a tšwago go sona, go tšwa go beng wa ntlo ya tumo ye mpe, ya bootswa. Ka tshokologo ya gagwe, le ka tumelo ya gagwe ya go se palelwe ka go Modimo, le mo tlošitše go tšwa ntlong ya bootswa, go ya go legae le lebotse ka Bethlehem. A phapano!

<sup>57</sup> Yeo ke tsela e dirago bohle ba rena. Go tšwa ntlong ya gosedumele, le dikgakanego, le ditiro tša boitshwarahlephi, le se sengwe le se sengwe; go lefelo, leemo ka go Kriste, leo le lego le lebotsebotse. Go tloga go go nyatšega go ya go makgethe, yeo ke phapano yeo e e dirago ka tshokologo ya rena. Gomme a le bone? O nyetše mokgoma wa ntlo ya Juda, molaodi. Molaodi yola o emetše Kriste, o itšheetše Yenamong Monyalwa wa Montle. Go tloga go wa fasefase wa fasefase, go ya go hlogo le lefelo le lekaonekaone ka nageng, ge re tla tla go yona moragorago ka Molaetšeng wa rena, go netefatša gore e be e se selo gape se ka bago eupša sela. Bona ke sekai sa Kereke ya Montle.

<sup>58</sup> Gomme re hwetša ba bile le legae la go ratega ka Bethlehem, ka ge Salamone a—a e hlomile, gomme e tla ba lefelo le legolo, le dinaga tša go nona. Gomme ke mo gobotse bjang go nagana ka ga naga yela ye kgolo ya korong fale, gore e tla ba lefelo la borotho la lefase. Gomme ke therešo. Ga go makatše Jesu o be a swanetše go tswalelwa fale, ka gobane O be a le Borotho bja Bophelo. Fao ke moo ditšhaba tšohle di tlogo bakeng sa korong ya bona, ditšhaba tšohle di tla bakeng sa mabele a tšona, ka gore go bile ka Bethlehem yeo e bilego le dinaga tšela tša go nona. Gomme le a bona, selo se sennyane nthatana, go no re, "Oo, e be e le profense ya korong," efela seo se be se e ra se sengwe. Gomme le bona ka fao mokgoma wa Montle, goba mokgoma yo wa Mojuda a tšea monyalwa wa Montle morago godimo go ya Bethlehem, go lefelo la go dula go iketla, lefelo go phela, moo go bego go na le borotho bjo bontši.

<sup>59</sup> Re hwetša, ka leratano le legolo le le go obamela go go gogolo go tumelo, ka mmalegogwana Rahaba, o belegetše Salamone morwa, gomme leina la gagwe e be e le Boase. Gomme bohle re tlwaelane le kanegelo ye nngwe ye kgolo e tlemaganago le lehuto le fa bjale. Gomme Boase o belegetšwe Bethlehem, go tšwa go Salamone le mmalegogwana Rahaba.

<sup>60</sup> Gomme rena re. . . hwetša gore, mengwaga moragorago, ka morago ga gore Naomi a tlogetše naga le go ya godimo go diilela le Bamoaba, gomme ge ba bile, ka bobbe, ba mo swere makgwakgwa. Gomme o tšwile ka ntle ga kopanelo le badumedi ka moka, le go ikamaganya yenamong ka go seemo sa bokgelogi, ka nageng ye nngwe, magareng ga batho ba bangwe. Ka mantšu a mangwe, o be a tlogetše Kereke ya therešo ya go dumela, go ya ntle ka go lefase sebakanyana, go tšoena kereke tsoko ya leago, ba ba dumetšego go feela se sengwe le se sengwe se tla loka. Ka fale, o lahlegetšwe ke monna wa gagwe.

<sup>61</sup> Gomme ga se gwa swanela go ba ka nako ye nngwe le ye nngwe lehu la nama. O ka no lahlegelwa ke yena ka go lehu la semoya, goba go lahlegelwa ke mosadi wa gago. Bokaone dula mafelong a makaone. Bokaone wena o dule moo o tsebago o khupeditšwe ke Madi, go sa kgathale se ka moka ga sona se bonalago, ke ba bagolo bokaakang, ba na le dintlhora tše botse gakaakang mo dikerekeng tša bona, goba dipele tše kgolo di lla gakaakang. Bokaone wena dula moo Madi a khupetšago dibe tša batho. Le ka no lahlegelana. Gomme, godimo ga tšohle, o ka lahlegelwa ke Morena Jesu, gomme wa tswalelelwa ntle.

<sup>62</sup> Gomme re hwetša, gona, gore ka morago ga ge barwa ba gagwe ba ile, o lahlegetše ke bobedi bja bona, gomme o boile morago ka gobane go be go se na tsošetšo ya moya ka toroponggolo, nakong yeo.

<sup>63</sup> Oo, nka rata go dula bjang fa bakeng sa metsotso e se mekae. Nka rata bjang go e topela godimo thwi fa le go le bontšha! Go sa kgathale ke dikereke tše kae di ilego morago, dula ka tlase ga Madi. Leo ke lefelo go dula. Ka gare goba ka ntle, godimo goba fase, bokoto goba bosese, e ka ba kae go lego, dula ka tlase ga Madi. Eupša, Naomi, o naganne go tla ba kaone go ya godimo le go tšoena sehlopha se sengwe, ka gobane ba be ba na le mathata. Borothiso bja semoya—borotho bo be bo se gona. Gomme, eupša Modimo o tla bo bušetša morago, “Ke tla bušetša, go rialo Morena.” Dula ka tšhemong moo Bo tšwago gona.

<sup>64</sup> Kafao re hwetša gore o thomile go hlologela go boela morago, ka gobane ba kwele gore tsošetšo ye kgolo e be e hlagile. Gomme ge le ka hlokomela, Naomi o boetše ka “sehla sa mabele,” Beibele e boletše, feela ka nako ya puno. Ka mantšu a mangwe, ge go be go na le tsošetšo ye kgolo e kgatlampana, go e šomiša semoyeng, o boetše feela ka sehla sela. Ga go selo se šetšego; o be a se na selo.

<sup>65</sup> Gomme Oropa, yo mongwe wa basadi ba barwa ba gagwe, ge a etla go lebelela godimo ga se a bego a swanetše go se dira sehlabelo, a le sekai sa kereke ya sebjalebja. “Ge eba ke swanetše go ya godimo fale, ke tla swanela go tlogela ditantshi tša ka. Ke tla swanela go tlogela maipshino a ka a magolo, le

mekgobokano ya ka ya a leago.” Nako yeo o nno lla, gomme o atlile mmatswale wa gagwe, gomme a gomela morago.

<sup>66</sup> Eupša seswantšho se sebotse sese. Go bile le yo mongwe a bitšwago Ruthe, le yena, ngwetši ye nngwe, yo e lego sekai, gape, sa Monyalwa wa Montle; yo a atlilego mmatswale wa gagwe, le go re, “Ke tla tlogela se sengwe le se sengwe. Ke sepela le wena. A nke batho ba gago e be batho ba ka. A nke Modimo wa gago e be Modimo wa ka. E ka ba kae o hwelago, ke tla hwela fao. Moo o bolokelwago, ke tla bolokelwa fao.” Yeo ke yona. Seo ke se Modimo a se nyakago, ga se yela ya mollwaneng, tsela ya seripa; eupša ya phethagalo, go ineela ka botlalo go Mmušo wa Modimo. O mo atlile.

<sup>67</sup> Gomme kafao Naomi o rile, go mo nyefiša, o rile, “Bokaone o boele morago go batho ba geno. Ke tšofetše, gomme ga go sa na barwa ka go nna.” Gomme molao e be e le, gore o be a swanetše go letela morwa. Gomme o rile, “Gona, ga go sa na ka go nna. Gomme ge nkaba le monna, gomme ka ba le morwa, o tla be o le yo mogolo kudu go mo nyala, kafao o no boela morago go batho ba geno.”

<sup>68</sup> Eupša Ruthe o rile, “Nka se boele morago.” Tumelo, e medile, e tsemile! Tumelo ya phethagalo e be e tlile ka pelong ya Ruthe. O rile, “Ke ya le wena thwi.” Gomme o mo kgorametše, o swaretše go yena. “Ke ya go ba moo o lego.” Ke rata seo.

<sup>69</sup> Gomme re tlwaelane le kanegelo bjalo ka ge e eya pele, gore Boase yo mogolo yo, yo a bego a le mong wa puno, o be a le ka punong ka nako, gomme o be a le wa leloko go Naomi. Gomme ge a hweditše Ruthe ntle fale ka mmišeneng wo monnyane, a budutša, lehlaka le lengwe le le lengwe le lennyane leo a kgonnago go le topa, leo le bilego le korong ye itšego go lona, o swaretše go lona, ka gore e be e le bophelo. Boase, a le mong wa puno, o laetše gore babuni ba gagwe ba tla weša tša go tlala seatla bjale le bjale, bakeng sa gagwe. Gomme o tla le topa, gomme ka lethabo. Gomme o phurulotše thethwana ye kgolo e tletše ka yona, letšatši leo. Gomme ge Boase, mong wa puno, a tšwile ntle le go lebelela go Ruthe, le go bona potego ya gagwe, o mo ratile.

<sup>70</sup> Šetšang Boase o emela Kriste. O be a le kae? Bethlehem. Ruthe o tlile kae? Bethlehem. O be a budutša kae? Ka Bethlehem. Le bona bohlokwa bjohle bjola bja semoya go se fa, le bokamorago go tiragalo ye ye kgolo e diregago? Modimo, a e tsebile mo mathomong!

<sup>71</sup> Gomme a thoma go botšiša go mmatswalagwe, se a swanetšego go se dira. Gomme, mafelelong, Ruthe o nyetšwe ke Boase. Montle a nyetšwe ke mokgoma, gape, ka Juda, le go iketla fase le go dula ka Bethlehem.

“Oo, wena, Bethlehem o monnyane, a ga se wena yo monnyane kudu magareng ga tšohle ditoropokgolo tša hlogo tša—tša Palestina? Eupša go kgahlile Modimo, Yoo go tsebeng

le go yeng pele go bilego ga kgale, go tloga mathomong, go ba le Morwa wa Gagwe a tswalwa fale.”

<sup>72</sup> O tseba dilo tšohle. Gomme O e šoma feela go loka. Gomme fale Ruthe o nyetšwe ke Boase. Gomme ge Ruthe le Boase ba nyetše . . . Ge nkabe re na le nako go ya ka go kanegelo ye kgolo fale, ye e lego ye nngwe ya ditiragalo tše kgolokgolo tša lerato tša mabaka ohle, ge Ruthe le Boase ba nyetše. Gomme le a gopola?

A re nno emang sebaka sa motsotso fa. Go no ba botse kudu go ka fetwa!

<sup>73</sup> Ruthe o be a le Montle. O be a se na kabelo le Mojuda, boka rena Bantle ga se re be le kabelo. Kafao, Naomi ka nnete e be e le yena a swanetšego go ja bohwa. Kafao, o be a lahlegetšwe ke thoto ya gagwe ya pele yohle. Diphahlo tšohle tša gagwe di be di rekišitšwe fantising ya phatlalatša. Kagona, o be a le, o be a kgaotšwe, gomme a sepetše.

<sup>74</sup> Bjale ge a boile morago, go be go na le motho yo motee yo a ka tsogego a kgona go lopolla lefa la gagwe le lahlegilego, yoo e be e le wa leloko kgauswikgauswi le yena. Gomme Boase o tsebile se, kafao o ile a swanela go šoma ka tsela ye nngwe go hwetša mosetsana yo wa Montle bakeng sa mosadi. Gomme o ile a swanela go dira eng? O ile a swanela go reka tšohle tša lefa la Naomi, gore a tsene ka ga lefa le, le Ruthe a bego a le karolo ya lefa la Naomi. Gomme monna a le noši yoo a ka kgonago go le reka o tla swanela go ba motho yoo a bilego wa leloko, wa leloko wa kgauswi. Woo e be e le molao wa topollo.

<sup>75</sup> Gomme tsela e nnoši Kriste a bego a ka tsoge a reka lefa la Israele ya mokgelogi, e bile go ba wa Leloko. Tsela e nnoši Modimo a bego a ka lopolla morafe wa motho, Modimo ka Boyena o ile a swanela go dirwa nama. Gomme Jesu o be a le Modimo a dirilwe wa leloko go morafe wa motho. O be a le Imanuele. O bile wa leloko. O tšee tše godimo ga Gagwe e sego sebopego sa Barongwa, eupša sebopego sa mohlanka yo a hlapišitšego maoto, le go phela. Gomme diphukubje di bile le melete, le dinonyana tša sebakeng di bile le dihloga, eupša ga se A ke ebile a ba le lefelo go latša hlogo ya Gagwe. O jele, O nwele, O—O llile, O segile, feela boka batho ba bangwe. Gomme o be a le Modimo, e sego moprofeta. O be a le Modimo, ka gobane O be a swanetše go ba wa leloko gore a lopolle motho yo a timetšego. Kafao, Boase, ka go sekai se segolo se, kua Bethlehem; lebelelang moo wa Leloko yo a tswaletšwego, go moloko wa motho, go be go swanetše go ba.

<sup>76</sup> Gomme morago ge Boase yo mogolo yo a lopolotše, gabotse, o be a swanetše go dira pontšho ya phatlalatša gore o be a lopolotše tšohle tša lefa la gagwe le lahlegilego. Kafao o ile go kgoro ya Bethlehem, toropokgolo yela ye nnyane gape, gomme o beditše bagolo ba toropokgolo, gomme o ba dirile ba tsebe gore letšatši leo o be a rekile se sengwe le se sengwe seo se bilego . . . Naomi

a se lobilego. Se sengwe le se sengwe seo a se lobilego, o se rekollotše. Gomme o rotše seeta sa gagwe le go se fošetša godimo pele ga batho, bjalo ka taetšo. “Gomme ge go ka ba le yo rilego a nago le lebaka le itšego go bolela se sengwe, se bolele bjale. Ka gore se ke segopotšo, gore ke lopolotše se sengwe le se sengwe seo a se lobilego.”

<sup>77</sup> Oo, a go šegofatšwe Leina la Morena! Gomme ge wa Leloko wa rena a tlile, Jesu wa Nasaretha, a tswetšwe ka Bethlehem. O eme ka godimo ga Gologotha, gomme a phagamišetšwa godimo magareng ga Magodimo le lefase, bjalo ka segopotšo gore O be a lopolotše se sengwe le se sengwe seo moloko wa motho o se lobilego ka go weng. Motho a ka kgona go nyatša bjang phodišo Kgethwa le maatla a tsogo ya Morena Jesu, ge taetšo ya phatlatatša e dirilwe kua Khalibari, gore, “Ke lopolotše moloko ka moka wa motho, le se sengwe le se sengwe seo ba kilego ba se loba”? O lopolotše disoulo tša rena, o lopolotše mebele ya rena, o lopolotše le se sengwe le se sengwe seo re se lobilego ka go weng. Molopolodi wa rena wa Leloko o tlile le go dirwa nama, le go dula magareng ga rena, le go neela godimo taetšo, gomme o rile, “Go fedile.” Ke eng e fedilego? Se sengwe le se sengwe se fedile. Re no ba re sepela thwi ka go bohwa bja rena. Ge matsatši a tšwelapele, re sepela kgauswana le kgauswana.

<sup>78</sup> Boase le Naomi. . . Ka morago ga ge ba nyetše nakwana e rilego, ba tlišitše pele morwa, yo a okeditšego bontši go moloko, gomme yoo e bile Obede. Gomme le yena o tlišitše pele morwa wa gagwe, e bego e le Isai. Gomme Isai o bile le bašemane ba seswai.

<sup>79</sup> Gomme go bile moprofeta yo mogolo Samuele yo a tllilego ka sedibelwana sa oli, moprofeta yo mogolo yo a ilego go Isai, gomme o rile, “Modimo o hlaotše yo mongwe wa bašemane ba gago go buša le go hlankela batho ba Ka.” Gomme go be go le ntle ka lehlakore la morago la tšhemo, ka go jarata ye nnyane ya modiši, yo mohubetswana, mošemane wa go bogega botšukutšukwana a tlišitšwego, Dafida, yo mogolo go ya go yo mannyanenyane. Gomme Samuele o tšholletše oli ya go tlotša godimo ga gagwe, mo bogoneng bja banabo bohle le bona ba ba emego kgauswi, le go netefatša gore Modimo o be a mo tloditše kgoši. Seo se bile kae? Bethlehem. Letago go Modimo Magodimodimong! Ga go makatše, Bethlehem, moo a tloditšwego kgoši.

<sup>80</sup> Gomme go bile ka Bethlehem, moo Dafida a tswaletšwego. Gomme morwa wa Gagwe yo mogolo, Jesu, le yena o bile, o ile a swanela go tswalwa ka Bethlehem, ka gobane ba no ba moroko wa kgauswi, magareng ga bobedi, Tatagwe le Morwa. Morwa yo mogolo yo o be a sa no ba feela Morwa, O be a le Modu le Lehlogedi la Dafida. O bile ebile le pele ga Dafida. O tla ba ka morago ga Dafida. O be a le wa go sa felego, go tloga go sa felego, go ya pele. Eupša go ya ka nama, le dilo tšohle go ka phethagatšwa, O be a le Morwa wa Dafida. O be a swanetše go

tswalwa mengwaga moragorago ka go Bethlehem ye ya go swana, toropokgolo ye nnyane ye e hlokomogilwego.

<sup>81</sup> Eupša nako yohle, ka fale, a le a lemoga? Fale go šoma se segolo, sephiri se maatla seo go sego mang a bonagetšego go kwešiša. Seo ke selo sa go swana se lego ka go Bethlehem ya Modimo lehono. Fale go šoma se—se seka sa sephiri seo go sego mang a bonagalago a se kwešiša. Ke se sengwe se yago ka godimo ga dihlogo tša batho. Ga ba bonagale go se hwetša, ga go kgathale se se dirwago, go se boletwago. Gomme karolo ya sephiri ya dilo tše di dirwago, batho ba a lebelela, ba re, “Oo, gabotse, ke a thanka go lokile,” gomme ba ya pele. Eupša ga ba se kwešiše. Ga ba se sware. Ga ba se kgome. Seo ke se Modimo a bego a se dira ka Bethlehem ka Juda. O a šoma, dilo tšohle tše tše dinnyane di sepelela godimo, go tla go hlogo e tee e kgolo.

<sup>82</sup> Dafida, oo, ge a tlotitšwe kgoši, bjalo ka mo—mo mošemane yo monnyane, o be a le go bonala bohabetšwana. Eupša o swanetše go ba a bile se sengwe ka go yena seo se bonagetšego bokgonthe, go Modimo. Wa bona yo monnyane nthatana, yo mannyanenyane ka lapeng. Bašemane ka moka, banna ba bagolo ba bakaone, ba tla bogega gabotse ka diaparong tša bona, le korone mo hlogong ya bona. Eupša Modimo o bontšhitše se A se lebelelago; e sego ponagalo ya ka ntle, eupša bokagare bja motho. O lebeletše go pelo ya gagwe. Gomme O tsebile se se bego se le ka pelong ya Dafida, ga go kgathale ka fao korone e bonagetšego go yena. O tsebile O be a ikhweleditše Yenamong motho yoo a bego a le motho ka morago ga pelo ya Gagwe Mong. Yoo, Dafida o tla ba motho ka morago ga pelo ya Gagwe Mong. Ke ka lebaka leo a tšholletšego oli ya go tlotša, goba a bile le yona e tšholletšwe godimo ga Dafida. Leo, leina *Dafida* le ra “moratwa.”

<sup>83</sup> Gomme e emetšwe gabotse ka go Jesu, Yena Moratwa, mengwaga moragorago; Morwa wa Dafida, Yo a bego a etla go phethagatša dilo tšohle tšeo di ilego tša tshepišwa. Toropokgolo ye nnyane ye ya Bethlehem ke moo se se diragetšego. Gomme go bile ka go dithaba tša go swana tša Juda moo Dafida a ilego a diša dinku tša gagwe, mengwaga ye mentši moragorago, gore Barongwa ba ile ba opela koša ya bona ya mathomo mo dithabeng tša Judea, godimo go lebelela Bethlehem. Koša ya mathomo, “Go wena go tswetšwe, ka go toropokgolo ya Dafida, Kriste Morena.” Barongwa ba dirile ponagalo ya bona ya mathomo, go opela, go be go se ka Jerusalema, kereke ye kgolo; ebile go be go se ka Giligala; goba ebile ga se nke gwa ba ka Silo, moo ba bilego le thapelo ya bodumedi bja kereke ya leina ka dinako tšohle. Eupša go bile ka go Bethlehem o monnyane, moo Moya wa Modimo o bego o sepela ka go tselo ya semaka, go tliša pele se sengwe. Go bile fale.

<sup>84</sup> Go bile fale moo Kriste a ilego a swanela go tla. Go bile fale. Go be go le thwi ka go toropokgolo ye nnyane yela, le Kgoši e tswetšwe, gore mme, kgarebe, e tlišitše pele morwa wa

gagwe wa leitšibolo. E šireleditše, le go boloka ka go sebo sa yona se sennyane, Kgoši ya dikgoši le Morena wa marena. Fao Samuele a sego feela a tla go tšhollela ntle oli ya go tlotša, eupša Modimo o tšholletše godimo ga Gagwe, le godimo ga lefase, Kriste Morena. Barongwa ba tsebišitše go tla ga Gagwe, gomme ba opeletše badiši mo thoko ga thaba, ba ba latetšego kgoši Dafida, mengwaga peleng. Le bona sephiri sa Modimo, ka fao se lego se segolo?

<sup>85</sup> O tswetšwe ka go lepanta la korong le legolo le, le, ge korong e etla pele, dikokwane tša motheo tša bophelo. Gomme O be a le Borotho bja Bophelo. “Ke nna Borotho bja Bophelo. Yo a jago nama ya Ka le go nwa Madi a Ka o na le Bophelo bjo Bosafelego, gomme a ka se tsoge a hwa goba go tla tshenyegong, eupša o fetile go tšwa lehung go ya Bophelong.”

<sup>86</sup> Bethlehem. Leina beth-el. B-e-t-h, beth, beth ka lentšu Seheberu, le ra, “ntlo.” E-l e emetše Elohim, khutsofatšo ya lona. Elohim e ra “Modimo.” B-e-t-h, beth; E-l, E-l ke Elohim, e lego Modimo, Ntlo ya Modimo, moo Borotho bja Bophelo bo letšego. E-l, h-e-m, e feleletše, buša morago l ya gago gape le e, e ra “llofo ya borotho,” ka Seheberu, El-hem. E-l ke Modimo, Elohim. B-e-t-h ke borotho, goba b-e-t-h ke . . . b-e-t-h ke “ntlo.” E-l ke Elohim, khutsofatšo. Gona E-l-h-e-m ke “borotho.” O be a le eng? Ntlo ya Borotho bja Modimo. “Ntlo ya Borotho bja Modimo.” Ntlo, beth; Elohim, Modimo; El-he-m, borotho. “Ntlo ya Borotho bja Modimo,” go ra Bethlehem.

<sup>87</sup> O be a ka tswalelwa mo kae gape eupša gona? Eupša go be go fihlilwe go mang kapa mang eupša moprofeta yola. O rile, “Go tšwa Bethlehem go tla tla Yena.” Ba bohle ba be ba lebeletše ka Jerusalema. Ba be ba lebeletše ka go boSilo ba bagolo. Ba be ba lebeletše mogohle. Eupša O tšwa Bethlehem, ka gobane e be e le Ntlo ya Modimo ya Borotho bja Bophelo. Yena ke manki wa borotho bja Modimo, go lefase. O be a le fale, a tswaletšwe ka Bethlehem. O be a ka se tswalwe e ka ba kae gape.

<sup>88</sup> Go ka ba le dilo tše dintši tše kgolo, bjalo ka ge ke be ke ithuta beke ye ka ka dintsanantsana tša go fapana go yona, gobaneng A be a swanetše go tswalelwa ka Bethlehem. Ge ke betha mafelo a se makae a, Moya wo Mokgethwa o no nkubulela kgole. Gomme ke rile, “O Modimo, yeo e lekanetše. Ke a e bona bjale.”

<sup>89</sup> O be a ka se tswalelwe kae gape eupša Bethlehem. E be e le lefelo la borotho la setšhaba. E be e le borotho bja ntlo yohle ya Israele, bo tšwa fale. Gomme O be a le Borotho bja Bophelo bjoo bo fologilego go tšwa Legodimong, Mana a semoya; a be a swanetše go tšwa Bethlehem, mothalo wa borotho, lefelo moo borotho bo letšego. Bethlehem, go pakwa ga borotho. Bjale, Jesu a le Borotho bja Bophelo, “Motho a ka ja go tšwa go bjona,” O rile, “gomme a se tsoge a hwa.”



<sup>90</sup> Tiragalo ye nngwe ye kgolo yeo nka se lebalego go e bitša, yeo ke ge Dafida a bile ka go nako ya gagwe ye mpempe, ge a be a le motšhabi. O be a šetše a tloditšwe. O tsebile se a bego a eya go ba sona. O be a eya go ba kgoši. Modimo o boletše bjalo. Gomme efela o be a hloilwe. O be a eme magareng ga mello ye mebedi ye megolo ya go teba. *Fa* go be go le Bafilisita, ka lehlakoreng le letee, ka morago ga gagwe; *fa* go be go le Saulo, ke lehlakoreng le lengwe. Gomme o be a le monna ntle le setšhaba.

<sup>91</sup> Feela bjalo ka ge Kereke e ema lehono, Kereke ya therešo ya go phela ya Modimo, ka ntle ga kereke ya leina goba eng gape. O eme a nnoši. Eupša, efela, O bile le tlotšo e tšholletšwe go Yena. O tseba se A lego sona.

<sup>92</sup> Go ka kgonega bjang mo lefaseng go ka tsoge gwa phethega tše thata, diabolo ka mahlakoreng a mabedi, a eya go Dafida? O be a tšere botšhabelo, ka go dibo ka lešokeng le maweng, go leka go utama, le sehlophana se sennyane sa bahlabani ba go botega, feela ba se bakae ba go dumela boka yena. Eupša banna bale ba dumetše Modimo, gore yoo o be a tla ba kgoši.

<sup>93</sup> Go bjalo ka badumedi, lehono, bao ba utamilego, go tloga lefelong go ya lefelong, eupša efela ba tseba Yo a tlogo go ba Kgoši. Ga ke kgathale yo a yago go ba Mopresitente. Re a tseba O etla. Gomme go bonagala bokgole kudu go feta e kile ya dira, ge saense e leka go go fediša ba re, “Ba ka kgona go aga motho. Ba ka kgona go dira se. Gomme ba ka kgona go tšea mmutla, le go tšea modula le go dira mmutla wo mongwe, le go ya pele,” go leka go ganetša Lentšu la Modimo. Efela, go na le batho ba ba dumelago Modimo, ba ba emago tse bjalo ka ge ba kile ba dira. Ga go kgathale se se tlogo goba se tlogago, ba sa dumela Modimo. Modimo o lokile. Ba swarelela go diatla tša Modimo tša go se fetoge. Ka gare ga ntwana, ka gare ga meokgo, ka gare ga malwetši le lehu, le se sengwe le se sengwe, ba sa swarelela go seatla sa Modimo sa go se fetoge. Ba a tseba gore O tla a le Kgoši.

<sup>94</sup> Batho, lehono, ba a sega le go dira metlae ka bona, le go ba bitša “bapshikologibakgethwa,” ba ba bitša eng kapa eng ba e nyakago. Eupša bona bahlabani ba Modimo ba ema go botega mo lefelong la mošomo. A ka no ba bitša “sehlopha sa phodišo,” o ka no ba bitša “sehlopha sa mahlanya,” goba e ka eng o dumago. Ba swarelela go Kgoši yela. Ba a tseba O tla mo maatleng. Le ge ba tšea Leina la Gagwe ka lefeela, le go kwera le go dira metlae, ba bitša batho ba ba Mo dumelago, “balahlwa, sehlopha sa disohlo,” seo ga se ba tshwenye le nthatana. Ba dula go rereša mo lefelong la mošomo.

<sup>95</sup> Bahlabani bale ba bego ba na le Dafida, ba dutše thwi ka lehlakoreng la gagwe. Ge Mofilisita a tšwelela, o be a swanetše o hlabana. E ka ba mang a lego, ba be ba tlaiša, lehlakore le lengwe le le lengwe. Dafida wa go šokiša, ka monaganong wa gagwe, a hlakahlakane gohle; o naganne, “Go kgonega bjang, Morena?”

<sup>96</sup> Le a tseba, baetapele ka dinako tše dingwe ba kgabola go dilo tšeo phuthego e sa tsebego se ba yago go se kgabola. Ge le nagana ka ditshepišo Modimo a di dirilego, gona gobaneng di sa tšwelele? Ga ba botše phuthego ya bona, ga ba botše batho ba ba amanago le bona, eupša go na le dikgakanego tše dintši ka pelong ya moetapele wa kgonthe.

<sup>97</sup> Dafida a dutše fale, mogolo wa gagwe—wa gagwe o mo tshuma. Go be go le bogareng bja selemo. Bafilisita ba be ba tšea monyetla wa karogano yeo e bego e le makgatheng ga Dafida le Saulo. Gomme Saulo a nyaka Dafida, mogohle, gomme Bafilisita, le bona, gomme nako yeo Bafilisita ba nyaka Baisraele. O bolela ka nako ya kgakanego? Feela go no ba bjalo ka bjale. Dafida o be a tšere botšhabelo ka go lefelo le lennyane le, ka go botšhirelo bjo bonnyane bjo, mogohle a ka go fihla, go dibo tše dinnyane tšeo a ka go swarelela ka go tšona. Morago o ile ka godimo ga thaba, ka go lela la go fiša, bogareng bja selemo, ge phišo e be e le ye kgolo, mogolo wa gagwe o nyorilwe, le dikgakanego le dipoišo ka pelong ya gagwe, le go makala. “O Modimo, go kgonega bjang? O tšholletše oli yela godimo ga ka, e sego ka gobane ke ikgethile nnamong, eupša O nkgethile. Gobaneng O mpiditše go tloga go dišeng dinku, ntle kua, le go mpotša O mpha se, go hlankela batho ba Gago, gomme šefa O mpeile magareng ga mello, mogohle?” Seo se be se eya go kgabola pelo ya gagwe.

<sup>98</sup> O dutše godimo ga thaba, gomme o lebeletše tlase. Gomme fale Bafilisita ba be ba tlile gomme ba dikaneditše Bethlehem ka gare thwi, legae la gagwe le lennyane. Nako yeo, toropokgolo ya gabo ye nnyane e be e le ka tlase ga taolo ya mmušo wa lenaba. E sego seo feela, eupša ntlo ya tatagwe mong, ntlo ya Isai, e be e le ka tlase ga bokgoba go Bafilisita. Setšhaba sa gabo mang se be se le fale, kereke ya gabo mang, kgahlanong le yena. *Fa* go be go le lenaba a bego a elwa le lona. *Fa* go batho ba kereke a bego a elwa le bona. E sego gore o be a nyaka, eupša ka gobane o be a gapeletšwa go e dira.

<sup>99</sup> Dinako tše dintši re gapeletšwa go dira dilo le go bolela dilo tšeo re sa nyakego go di bolela, moetapele wa kgonthe wa semoya, eupša o gapeletšwa go e dira. O swanetše go tšea lehlakore la gagwe le go bontšha mebala ya gagwe. “Ke tla tšea tsela le banyatšwa ba se nene ba Morena,” go boletše mongwadi wa koša.

<sup>100</sup> Kafao o be a le fale, ka go letšatši lela la go fiša, ga go pelaelo, a eya morago le pele, le go lebelela tlase go kgabola moedi wola wo motelele, wa e ka ba dimaele tše masomepedi tlhano tlase fale, le morago. Ntlo ya tatagwe e be e le fale, mo—mo bokgobeng go Bafilisita. Saulo o be a le fale, feela go putla kua. Ba... Gomme yo mongwe *yo* šo o a tla, a dutše thwi magareng, le a bona, go tšea mahlakore. Go boneng nako ye kgolo yeo Israele e bego e šwalalane, kereke e šwalalane ka go dikereke tša maina

tša go fapana, go ka bolela. Dafida o be a le fa a eme morago fa, a sa tsebe a dire eng, gomme efela a tseba gore go yena go dutše tlotšo. [Lefelo la go se be le selo go theipi—Mor.] Ba tsebile tlotšo yela e be e le fale. Ba tsebile Dafida o be a eya go ba kgoši. Haleluya!

<sup>101</sup> Rena re tseba Yo a yago go ba Kgoši. Ga go kgathale ke mang a yago go ba Mopresitente. Ke a tseba Yo a yago go ba Kgoši. O tla ba Kgoši. Ke a tseba go tšea se sengwe, go ema, eupša Modimo a nthuše go tswalela mahlo a ka go dikereke tša maina le go se sengwe le se sengwe gape. Go lebelela ka mmono wola wa semoya, kua, gore Yena ke Kgoši ye e tlogo. Ke tla Mo hlankela. Ge eba ke lehu, a nke ke hwe. Ge eba ke lapa la ka, ke baratwa ba ka, ge eba ke kereke ya leina ya ka, ke se sengwe le se sengwe, a nke ke Mo hlankela. Ke tla dula go Yena. Bao ke bahlabani ba Modimo, boka go bile ka Dafida. Ba bile le diatla tša bona go ditšhoša tša bona, ba sepela, nako efe kapa efe. Yeo ke tsela bahlabani ba Modimo ba sepelago, ba itokišitše.

<sup>102</sup> Lenaba le re, “O swanetše go tšea go sora go gonnyane, go ba wa leago.”

<sup>103</sup> “Ga ke kgwathe dilo tša lena tša ditšhila.” Amene. Lenaba šelela. Mohlabani wa lona šole.

<sup>104</sup> “Oo, a o ka se tlogele selo sela sa kgale sa bopshikologibokgethwa o se dumelago?”

<sup>105</sup> “Ke tla dumela Modimo. Ke tla ema go rereša.” Ke wena fao. Bahlabani šebao.

“Oo, o ra gore... Ga go na selo se se bjalo ka phodišo Kgethwa.”

“Seo ke se o se naganago. Ke tseba bokaone.” Le a bona?

<sup>106</sup> “Ga go na selo se se bjalo ka kolobetšo ya Moya wo Mokgethwa. Matšatši ao a fetile.”

<sup>107</sup> “Seo ke se o se naganago. Ke šetše ke O amogetše. O no ba thari kudu go mpotša e ka ba eng ka Wona.”

<sup>108</sup> Ba tsebile tlotšo e be e le godimo ga moisa yola yo monnyane wa kgale wa go bogega bohobetšwana. Ba tsebile o be a eya go ba kgoši.

<sup>109</sup> Eupša Dafida, ka gare ga monagano wa gagwe mong, o be a gakanegile. Ke kgona go eleletša. A re mo šetšeng motsotso. O boela ntle fale le go dula fase. O lebelela fase fale gomme o a nagana, “Toropokgolo ya gešo mong ya go ratega, Bethlehem, e lebelele fale: moo dilo tše dikgolo tša Modimo di diregilego; moo tate wa tate wa tate wa tate wa ka a tswetšwego; moo bomakgolokhukhu khukhu khukhu khukhu, kua, o boletše ka go yena, ka go nako ya pele go ya Juda, molokong woo ke tšwago go wona, gore kua go letše se sengwe sa ka godimo ga tlhago. O boletše lefelo la bona. Gomme fao Joshua o beile morwa yola, thwi ka go yena... Gomme ka fale go tlile dilo tše tšohle fa. Go

swanetše go ba. Ke be ke le modišadinku, gomme O tšholletše oli godimo ga hlogo ya ka. O rile ke tla ba kgoši. Ke a Go dumela. Amene.”

<sup>110</sup> Nako yeo o boela morago le go lebelela fase fale, gomme o a nagana, “Gabotse, tlasetlase kua ka go toropokgolo ye nnyane ya gešo, moo ke tswaletšwego, ka go sehlopha se sennyane se ke bego ke le le sona, ona matšatši ale a kgale a mabotse.”

<sup>111</sup> Go ka ba kaone ge Mamethodist e lebeletše morago go matšatši a bona a kgale a mabotse, ge ba be ba le ba senene gomme ba phatlaletše, ka go mengwako ya sekolo ye mennyane ntle fale ka Amerika, ba wela ka tlase ga Maatla a Modimo, gomme ba fošetša meetse sefahlegong sa bona. Go tla ba kaone go lena Mabaptist go lebelela morago moo le tšwago gona, le lena, le ka moka ga bona. Lena, Pentecostal, lebelelang morago moo le tšwago gona. Yeo ke nnete.

<sup>112</sup> Ka go phišo ya ntwā fa, Dafida o thoma go nagana. “Oo, ke kgona go gopola ona mašego ke robetše ntle kua patogeng yela ya thaba. Ke gopola ge ke bogetše tšona dinaledi, ka fao di sepetšego, godimo kua, le ka fao Modimo a boletšego le pelo ye nnyane ya ka ya mošemane. Ke kgona go gopola ge ke fihlile bjalo ka Moyeng, letšatši le lengwe, ke lebeletše maru le meriti ya mafulo a matala, go fihla ke goeleditše ntle, ka Moyeng, gomme ke opetše:

*MORENA ke modiši wa ka; nka se hloke selo.*

*Ya, le ge nka sepela go kgabola moedi wa meriti ya lehu, nka se boife bobē: ka gore wena o na le nna . . .”*

<sup>113</sup> Oo, nna! O be a le fa, thwi ka go mehlagare ya lehu, thwi nako yeo, ka mahlakore a mabedi. “Ya, le ge nke sepela go kgabola molapo wa morithi wa lehu! Ona matšatši a kgale a mabotse, ge Moya o be o na le nna, ge Modimo a be a na le nna! Ke opetše ditumišo tša Gagwe. Ke ipshinne ka Yena.

<sup>114</sup> “Ke gopola nako ye nngwe, tau ye nnyane ya kgale e tšweletše, mosong wo mongwe, gomme ya tšea ye nngwe ya dinku tša ka. Gomme Moya wa Modimo wa tla godimo ga ka, gomme ke ile ntle le go mo swara le go mo kgaoganya ka dikgaokgao. Ke gopola tlhakodišo yela. Oo, ke kgona go gopola mantšiboa a le, feela pele letšatši le kotimela, bera e tlile le go swara ye nngwe, gomme ka e bolaya. Tšona tlhakodišo tše kgolo!

<sup>115</sup> “Ke gopola ge ke opetše ditumišo tša Gagwe, mo matšatšing a bobjana bja ka, ge ke dišitše dinku tša ka. O Modimo, mpoetše morago go lefelo lela. Mpoetše morago go lerato la ka la pele. Mpoetše morago, gomme o mpušetše morago lepara la ka la modiši. Mpušetše morago mohlapē wa ka wa dinku. Ntlogele ke nnoši, morago fale, go Go rapela.”

<sup>116</sup> Seo, dinako tše dingwe re nagana seo. Eupša re ka gare ga phišo ya ntwā. Se sengwe se swanetše go dirwa. Re be re le

bašemane, nako ye nngwe. Re banna ba ba godilego bjale. Ntwa e a kгатlampana. Ke gopola ge lepolanka le bedile, mo lebatong, gomme batho ba goeletša le go golola. Gomme o be o ka se kgone go tla go rarela lefelo, go se felo fa, go batho. Eupša ga go ka tsela yeo lehono. Ntwa e a kгатlampana. Oo! Ga se William Branham, moreri yo monnyane wa mošemane, ga e sa le. O swanetše go tšweletša se sengwe. Ee, mohlomphegi. Go swanetše go be le se sengwe go fapana. Nako e ya pele. Ntwa e a kгатlampana. Phišo e a kгатlampana. Nako ya go hlakodišwa, batho, yo mongwe le yo mongwe o hwetšwa a ngwadilwe ka Pukung. Bjale nako e tšile.

117 Dafida, le dikgakanego tšohle tša gagwe, a eya morago le pele, gomme a nagana. “Oo, letšatši le la go fiša! Joo! Oo, go fiša kudu! Oo, Saulo a ka tla go tšwa ka tsela *ye*, Bafilisita go tšwa ka tsela *ye*! Madira, go dikanetša, mogohle. Gomme ke rena ba, re dutše mo molomong wa lewa. Gomme, efela, oli ya go tlotša e godimo ga ka. Go kgonega bjang? O Modimo, go kgonega bjang? Oo, ke duma nka be ke na le seno.” Nako yeo monagano wa gagwe o boela morago, go tsela tlase fale hleng le dikgoro tša Bethlehem. Go be go na le sediba. Go be go sa no ba le meetse boka meetse ale.

118 Le a tseba, Palestina e na le meetse a mangwe a go baba. Ba na le meetse a mabe. Gomme ba na le ebile go mokomane wa meetsemaso le dilo, ka go ona. Gomme boati bja ona ke meetse a kalaka, ye e tla go bolayago.

119 Eupša Bethlehem ke bodibelo bja meetse a profense, gape. Go be go se na meetse boka Bethlehem e bilego le ona. Dafida o be a fela a nagana, “Ge ke tšea dinku tša ka le go tšwa mo mosong, ke tla ya go sediba sela sa kgale gomme ka nwa. Oo, a tonyetša bjang, gomme a bose bjang, gomme a timola lenyora bjang!”

120 Bjale mogolo wa gagwe o a ya, efela, a tlotitše. “Oo, ge feela nka hwetša seno sa meetse!” Bjale bahlabani ba gagwe . . . Gomme o goeditše, mahlomoleng a gagwe, “Oo, ge yo mongwe a ka ntlšetša seno gape go tšwa go sediba sela sa kgale kua Bethlehem!” Oo, ka morago ga go lora ka ga matšatši a bonnyane bjohle bja gagwe le diphenyo, le go mmona ka lefelong moo a dutšego magareng ga mello, o goeditše, “Oo, yo mongwe a ka ntlšetša meetse go tšwa Bethlehem!”

121 Bjale, bahlabani ba gagwe ga ba kgona go hlatholla go nagana ga gagwe, eupša, ngwanešu, ba mo ratile le tšohle tšeo di bego di le ka go bona. Ye nnyane kudu ya ditlhologelo tša gagwe e bile taelo go bona. Ba bararo ba bahlabani ba gagwe ba bagolo ba gogile ditšhoša tša bona, ba ngwega go tloga kampeng, le go sega tsela ya bona, dimaele tše masomepedi tlhano. Dafida, mo go sepeleng ga bona, ga go pelaelo o maketše, “Ba kae? Ba dirile eng? Ba ile kae? A ba tsebile ba beile bophelo bja bona kotsing?” Ba ka gare ga mehlagare ya lehu thwi, go kgabola mothalo wa dimaele tše masomepedi tlhano, ba theilwe mo go hle. Gomme ditšhoša

di bekenya, gomme dikotse di tladitše lešata. Eupša monna wa bona, ngwanabobona yoo ba dumetšego gore o tla ba kgoši, o hlologetše seno.

<sup>122</sup> Oo, ngwanešu, ke a makala ge eba bahlabani lehono ba ikemišeditše go sega tsela ya bona go kgabola bosemmušo, dipelaelo le gosedumele, go itapološa ka go Bogona bja Morena, ditlhologelo tša Gagwe? “Ye nnyane kudu ya ditlhologelo tša Gago; ge e le ka Afrika, India, ge eba ke go kgabola mokgotha, e ka ba kae go lego. Ye nnyane kudu ya ditlhologelo tša Gago, Morena, ke taelo ya ka. Lehu ga le re selo go nna. Botsebalegi? Nna! Se ke lego, se ke tla bago, ga se re selo, Morena. Ke go phethagatša ditlhologelo tša Gago.” Bao ke bahlabani bao ba emago ka lehlakoreng la Gagwe. “Ge ba mpitša ‘mopshikologimokgethwa,’ ge leina la ka le gobošwa, ge ba nthagela mekgotheng, seo ga se tshwenye. Tlhologelo ya Gago ke taelo ya ka.” Yoo ke lesole la mmakgonthe.

<sup>123</sup> Ba dirile eng? Ba lwele tsela ya bona go kgabola, go fihlela ba fihla go sediba sela. Ba inolotše pakete ya meetse ntle. Gomme šeba ba bowa morago, ba elwa, ba sega tsela ya bona go tšwa go le letona go ya go le letshadi, go fihlela ba etla ka bogoneng bja Dafida. Ba rile, “Ke wena yo, morena wa ka.” Oo, nna! Eng? Monna yoo a bego a gobošitšwe. Monna yo a bego a hloilwe ke kereke. Monna yo a bego a hloilwe ke kgoši. Monna yoo a bego a hloilwe ke Bafilisita. Monna yoo a bego a hloilwe mogohle, o ka re. Eupša sehlopha se sennyane seo se mo latetšego, ba tsebile o be a le kgoši ye e tlogo.

<sup>124</sup> Lehono, ke a le tseba. Re opela dipina tše kgolo. Re aga dikereke tše kgolo. Re na le dikošasetšhaba tše kgolo le se sengwe le se sengwe. Re a Mo tumiša, ka mkgwa woo. Eupša Jesu o rile, “Ka dipelong tša lena le kgole le Nna, ka gore le ruta bakeng sa Thuto ditaello tša batho.” A nke Moya wo Mokgethwa o tle ka gare gomme o dire se sengwe ka kerekeng, go bontšha Bogona bja Jesu Kriste, ba tla go ragela ka ntle ga lemati. “Le Nthapela ka lefeela. Ba a rapela, eupša le e dira ka lefeela, ba ruta bakeng sa Thuto metlwae ya batho.”

<sup>125</sup> Eupša go na le bahlabani bao ba Mo dumelago. Go na le bahlabani ba ba emago le Yona, ka kwešišo ya semoya, boka ka go Bethlehem o monnyane kua. Le a bona? Kgonthe, e bile.

<sup>126</sup> Dafida o kukela pakete ye ya meetse godimo. O a e lebelela. Gomme Beibele e re o e tšholletše godimo ga mobu, o rile, “Morena, a go be kgole le nna gore ke tla nwa ao, ka gobane ba, ba ka . . . Bahlabani ba gago ba beile bophelo bja bona kotsing, go ya kua le go tliša meetse a go nna. Ke madi a batho. Nka se kgone go e dira.” Gomme meetse a a mabose ao ba beilego maphelo a bona kotsing, le go šwahla go kgabola methalo ya lenaba, go ya kua le go a tšea, Dafida o a tšholletše godimo ga mobu, bjalo ka

moneelo wa go neela go lokologa go Morena. E be e se go itebelela mong. E be e le feela phethagatšo ya Mangwalo.

<sup>127</sup> Ka gobane, le ge Jesu, go tšwa Bethlehem, ke Borotho bja Bophelo, Yena gape ke Meetse a Bophelo. Kgonthe, ke yona. Gomme O dirile eng? O be a emetšwe ka go bobedi Dafida le bahlabani, ka gobane O be a le Kgoši, gomme O be a le mohlalani Yo a tlilego le go šwahla go kgabola methaladi ya lenaba. Amene. O fentše lehu, hele, le lebitla, a tšhollela ntle Madi a Gagwe Mong, go re Johane 3:16 e ke e phethagatšwe.

*Ka gore Modimo o ratile lefase gakaaka, gore a neele  
Morwa wa gagwe a tswetšwego a nnoši, gore mang le  
mang a dumetšego ka go yena a se ke a senyega, eupša  
a tle a be le bophelo bjo bosafelego.*

<sup>128</sup> Ao, ga se A neela meetse ao a emetšego, eupša O be a le Meetse; ba go senyega, batho ba ba senyegago gore ba ke ba be le Bophelo. O e dirile bjang? Ka Madi a Gagwe Mong, ka go A tšhollela ntle. E sego go A falatša; yeo ke kotsi. O A tšholletše ntle, mahala, kua Khalibari, ka morago ga ge A šwahllile go kgabola mothaladi wo mongwe le wo mongwe wa lenaba, gomme a tšhollela Madi a Bophelo bja Gagwe ntle, gore A ke a be leselo la borotho go lefase.

Le Mothopo o tletše ka Madi,  
A gogilwego go tšwa ditšhikeng tša Imanuele,  
Ge badiradibe ba phonkgela ka tlase ga lefula,  
Ba lahlegelwa ke dipatso tšohle tša molato wa  
bona.

<sup>129</sup> Ke ka lebaka leo A tswaletšwego ka Bethlehem. Ke ka lebaka leo A ilego a swanela go tla, ka gobane e be e le lefelobogare la borotho, Borotho bja Bophelo. E be e le lefelobogare la meetse. Ke eng? Meetse a Bophelo. Gomme ka go Jesu o be a le bobedi, Borotho bja Bophelo le Meetse a Bophelo, kagona O be a swanetše go tla le go tswalelwa ka Bethlehem.

“Wena, Bethlehem wa Judea, a ga o yo monyenyanane magareng ga bakgoma bohle ba bagolo? O no ba wa setlwaedi, moreri yo monnyane. O no ba moisa yo monnyane, eupša go tšwa go wena go tla tla Mmuši yo a tšwago go kgale, go tloga gosafelego go ya gosafelego. Mesepelopele ya Gagwe e be e eya pele go tloga galele, le go tloga gosafelego go ya gosafelego.”

<sup>130</sup> Ke ka lebaka leo A tswaletšwego ka Bethlehem wa Judea. E Mo godišitše. Gomme, ngwanešu, lefelo leo A nyakago go godišwa lehono ke ka go gobeng ga gago mong, pelo ya gago mong, gore A ke a pealatše, go tšwa go wena, Meetse a Bophelo, go batho ba ba senyegago, le Borotho bja Bophelo, go batho ba ba hwago ka tlala. Yena ke Borotho le Meetse a Bophelo, tše e lego dilo tše pedi tše bohlokwa go go phela ga motho, ke Borotho le Meetse. Go tšhepišitšwe, kgonthe.

<sup>131</sup> A nke re inamiše dihlogo tša rena feela nakwana. Gomme go direng bjalo, ke nyaka šedi ya lena ya go se arogane. A o kile wa ba ka Bethlehem, mosong wo? Ge eba o sa nka wa ke wa ba ka go Bethlehem. . .

<sup>132</sup> E be e bitšwa Efurata ya—ya Bethlehem, gape, Efurata ya Bethlehem. Efurata e ra “modu,” e tšwa go lentšu h-e-m-p. *Hemp* e ra “modu.” Gomme selete sa kgale sa bogologolo fale se be se bitšwa Efurata, e ra go, “ke mathomo a bophelo.” Kriste o rile, “Ge le dula ka go Nna! Ke nna Mobeine gomme lena le makabe.” Yena ke Modu wa Bophelo bjohle.

<sup>133</sup> Ge eba ga sa nke wa ke wa tla go Bethlehem, Efurata ya Bethlehem, etla mosong wo. Gomme Mo amogele bjalo ka Mophološi wa gago, gomme O tla go lebalela dibe tša gago. A o tla phagamišetša diatla tša gago go Yena? Gomme wa re, “Morena Modimo, nkgagele bjale. Bjale ke, fa, tla go Jesu, ka pelo ya ka yohle. Ke tla go Bethlehem ya Gago, Meetse le Borotheo bja Bophelo. Bjale ke Mo amogela bjalo ka Mophološi wa ka wa sebele.” Morena a go šegofatše, moisa yo moswa morago fale. Morena a go šegofatše. Modimo a go šegofatše, yo monnyane.

<sup>134</sup> A go na le yo mongwe? O re, “Bjale ke a tla; ga go selo ka matsogong a ka. Ke a ema, ke nyorilwe. Mogolo wa ka o omile. Ke makala moo nka yago le go hwetša Bophelo bja mmakgonthe. Ke a makala. Ke tšoenne dikereke.” Modimo a go šegofatše, kgaetšedi. “Ke tšoenne dikereke, ke dirile se sengwe le se sengwe ke tsebago go dira, Ngwanešu Branham, eupša ga se nke go le bjalo ka kgwatha mothopo wola wa kgonthe wa go fa Bophelo. ‘Bjale ke a tla, Morena, go Bo amogela.’” O fa bakeng sa gago. A o ka no phagamiša seatla sa gago? Wa re, “Ke nna, Morena. Ke nna yoo a emego, gomme ke hloka.”

Morena a go šegofatše, ge re rapela.

<sup>135</sup> O Morena Modimo, Molaetša wo monnyane wo wa go rathagana o ntšhitšwe go tšwa Mangwalong, le ge, ka go dika tšohle tša ona tšeo O di beilego fale, mohlomongwe. “E fihlilwe mahlong a ba bohlale le ba tthaologanyo, gomme ya utollwa go masea a bjalo ka ba ba tla ithutago.” Ka fao Bethlehem yola yo monnyane, yo monnyane go bohle ba bona! Moprofeta o boletše seo bjang? “A wena ga o yo monnyane magareng ga bakgoma bohle?” Eupša go kgahlile Modimo bjang go tliša, go tšwa go lefelo lela la go se re selo, Mmuši wa Israele. Morena Modimo, go tšwa go sehlopha se sennyane sa batho bao ba hlatswitšwego ka mothalo wo mohubedu wa Madi a Morena Jesu, O tla tliša pele, ka sehlopha sela, felotsoko, Morena, go kgabaganya lefase le, Kriste gape, yoo a tlogo buša ditšhaba tšohle ka molamo wa tshipi.

<sup>136</sup> Ke a Go rapela, Tate Modimo, gore O tla re gaogela yo mongwe le yo mongwe wa rena ba a lego gona bjale, gomme a nke re tle go Bethlehem ya Gago. “O etlang, lena bohle babotegi,” re



be re opela, “etlang go Bethlehem.” Morena, a nke ba bone gore ga se go ya go toropokgolo ye nnyane, kua, yeo e kilego ya ke ya ba seka. Eupša go ya go bokgonthe, Jesu Kriste, Borotho le Meetse a Bophelo a Modimo.

<sup>137</sup> Bale ba ba phagamišitšego diatla tša bona, ba amogele ka go Mmušo wa Gago, gonabjale, Morena. Ka gore ke ka tumelo ya bona gore ba Mo amogele. Ke ka tumelo gore ba phagamiše diatla tša bona. Gomme ke ka tumelo yeo ke dumelago gore O a ba amogela. Ba boloke, Morena, ka Bethlehem, moo ba ka se tsogego ba phamoga goba go sepelela kgole boka Naomi. Eupša a nke, ge dinako di thatafala, a nke ba dule thwi ka Bethlehem. Go tla kaonafala, gannyane le gannyane. E fe, Morena.

<sup>138</sup> Bjale ke rapela gore O tla gaogela bale ba ba babjago le go tlaišwa. Go na le bale fa, Morena, ba hlokago kgwatho ya Gago ya go fodiša. O Morena, O ile wa bušetša Bethlehem go letago la gagwe la pele lohle. O mmušeditše ka nako ya maswabi, ge a be a lwala. O mo tlišitše morago thwi le go tliša Naomi ka sehla sa mabele. Gomme bjale, Tate, re a rapela gore O tla tliša Naomi yo mongwe le yo mongwe, le mang le mang yo a lego ka fa, yo a hlokago. Ke a rapela, Modimo. O Morena, e no ba sehla sa mabele. Llofo ye kgolo ya mabele yeo e bonwego, e tokologela tlase ga thaba, go ya ka go kampa ya lenaba. Ke a rapela, Modimo, gore O tla tliša llofo yela ye kgolo ya korong ka go moago wo bjale, le gore E ke e be poelanyo bakeng sa ma—ma malwetši a batho, gammogo le sebe. Gomme fodiša motho mang le mang a lego ka go Bogona bjo Bokgethwa.

<sup>139</sup> Ke no ikwela, Morena, mohlomongwe e no ba maikutlo a sebele a ka mong, eupša ke ikwela gore Wena o kgauswi, bokgauswi bja Gago bjale ka fa. Ke dumela gore O fa. Gomme ga ke bohole se ka lebaka la batho; Wena Yo a tsebago pelo ya motho. Ke a rapela, Morena, gore ka mokgwa wo mongwe ba tla swara pono, mosong wo, bjalo ka bahlabani bale. Bjoo ke Bomakgonatšohle bja Gago bjo bogolo, Maatla a Gago a magolo, Bogona bja Gago bjo bogolo. Wena, se O lego, Morwa wa Modimo, Kgoši, Yo a tloditšwego, gore O makgatheng a rena! Ba tla swara mmono wa Yona, ka disoulung tša bona, le go fodišwa ditlaišego tša bona. Ke rapela thapelo ye, ge ke e bea go bona, ka Leina la Jesu Kriste, Morwa wa Gago. Amene.

<sup>140</sup> Ke dumela Modimo, Mantšu a Gagwe ohle, ke dumela gore karolo ye nngwe le ye nngwe ya Lentšu la Gagwe e tloditšwe Bokgethwa. Ke dumela gore Yena ga se “Ke bile,” eupša Yena ke “KE NNA,” Bogona bja go phela go ya go ile. Ke dumela gore, gonabjale, mo makgatheng a batho fa.

<sup>141</sup> Lena ba le phagamišitšego seatla sa lena, hwetšang kereke ya lena. “Kolobetšwang, ka Leina la Jesu Kriste, le bitša go Modimo, go hlatswa dibe tša lena,” le dumela gore go Tla ga

Gagwe ga ka pela go gona, gape. O swanetše go bonagala, mo go Tleng ga Gagwe la bobedi.

<sup>142</sup> Ke a dumela gape gore Bogona bja Gagwe bo fa go fodiša balwetši, go dira gabotse bale ba ba hlokago. Ga se wa swanela ga bohlokwa feela ka o tee ka o tee go rapelelwa. Ke netefaditše seo, bošego bjo bongwe, go batho, gore ke nno nyaka go ba bontšha se se diragetšego.

<sup>143</sup> Go be go na le lesogana tsoko, yo a dutšego, a ntebeletše thwi bjale, yoo a bilego malaong lebaka la matšatši. Mogolo wa gagwe o be o rurugile gampe kudu go fihla a sa kgone ebile le go ja goba eng. Letadi la gagwe le be le le godimo kudu. Gomme o be a boditše tatagwe le mmagwe, “Romang, hwetšang Ngwanešu Branham go tla go nthapelela.” Gomme ka mokgwa wo mongwe ba be ba sa nyake go ntshwenya, ka gobane ke be ke šoma. Gomme feela Sengwe se ntlahletše ntlong ya bona.

<sup>144</sup> Ge ke dutše fale, ba lekile go tlišetša lesogana poleiti, ba bile le lee le boleta ka kgonthe le se sengwe gape, le dinawa tše rilego tše boleta di ritilwe. Gomme o be a leka go metša. O di monokile, a tšea mo—mo monwana le go di rita. Meno a gagwe a be a rurugile gohle, gomme boladu bo tšwela ntle ga ona. Gomme—gomme o leka go e rita, ka tsela yeo, le yona, ka monwana wa gagwe, le go leka go e theošetša mogolong wa gagwe ka tsela yeo. Gomme o dirile go kgema goba gabedi, gomme o no se kgone go ya pele; a e bušetša morago.

<sup>145</sup> Ke be ke dutše fale, ntle le thapelo. Go no ba le se sengwe se sennyane, ga o kgone go botša mang le mang se se diregago. Aowa. Ke rile, “Morena, Morena, go kgauswi le bofelo bja ngwaga bjale. Go tla pele, se sengwe se seswa. Ntumelele, Morena. A se ke sona? A se ke sona?” Gomme ka pela ge ke thoma go bolela seo, le go bolela bjale, ka pelong ya ka bjale, “Ke a tseba O fa,” lesogana le obeleditše, la tšea go kgema go gongwe, le go kgema go gongwe, go kgema go gongwe, go kgema go gongwe, gomme a fetša poleiti ya gagwe ka moka, gomme a tsena ka koloing ya gagwe gomme a tloga.

<sup>146</sup> Oo, Yena ke Modimo, le a bona, Bogona bja Gagwe, Bogona bja Gagwe. Ga se . . . Go no Mo dumelela go ba gona.

<sup>147</sup> Letšatši le lengwe ge ba tšere sa mafelelo se, le seswantšho sa moragorago. Ge ke Mmona a eme fale, ke lebeletše go sona. Ke naganne, “Gabotse, ke bone Morongwa wa Morena go tšela, gomme ke a tseba go bile go makatša.” Eupša ge A tšere se setee se. Nako yeo e ka ba ka iri ya boraro mo mosong, O ntšošetše le go mpotša se e bego e eya go ba, le go se hlalosa sohle go nna, le ka fao ditlhamo le se sengwe le se sengwe, le go mpontšha dilo go sona ke sa nkago ka ke ka di bona. Ke ile go se tšea, le go se lebelela, gomme se be se le fao. Ga se ka ke ka se bona pele. Oo, a maikutlo ao a tlišitšego go nna, kgothatšo, go tseba gore O gona.

<sup>148</sup> O fa, feela Bogona bja Gagwe. Gomme Bogona bja Morena bo bile fale go fodiša balwetši. Bogona bja Morena bo fa go fodiša balwetši. Bogona bja Morena bo fa go tliša tiišetšo go badiradibe. Bogona bja Morena bo makgatheng a batho ba Gagwe, gomme Yena ke Bethlehem ya Modimo, ya go tllala ka Borotho le Meetse. Ke thakgetše kudu (a ga le?) gore re na le lefelo go tla, go ja le go phela go ya go ile.

<sup>149</sup> Bjale Morena a le šegofatše. O na le se sengwe o nyakago go se bolela, ngwanešu? [Ngwanešu Neville o re, “Aowa.”—Mor.]

A re emeng ka maoto a rena, feela nakwana. Pina ya rena ya kgale ya go phatlalatša, “Tšea Leina la Jesu le wena.”

<sup>150</sup> Ke ba bakae ba ratago Morena? A nke re le bone le phagamišetša diatla tša lena godingwana, bjale, ge le sa na le diatla tša lena godimo. Bjale di beeng fase gomme šišinya seatla le yo mongwe a emego hleng le wena. E re, “Modimo a go šegofatše, moeti. Modimo a go šegofatše.” Go lokile, gona go dikologa. Go lokile. Seo se no ba gore le tlwaelane lena beng. Go lokile.

<sup>151</sup> Bjale a re lebeleleng thwi godimo go leba magodimong gomme re opele pina ye bjale.

Tšea Leina la Jesu le wena,  
Ngwana manyami le madimabe;  
Le tla go fa thabo le khomotšo,  
Le tšee gohle mo o yago.

Leina le bohlokwa (Leina le bohlokwa), O le  
bose bjang!  
Kholofelo ya lefase le thabo ya Legodimo;  
Leina le bohlokwa, (Leina le bohlokwa), O le  
bose bjang!  
Kholofelo ya lefase le thabo ya Legodimo.

Bjale gopolang. . .



*GOBANENG BETHLEHEM O MONNYANE?* NST58-1228  
(Why Little Bethlehem?)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Disemere 28, 1958, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)